

又派兩代表回來。關於祖國。緊急桑梓。其情為至可感。其志亦至可敬也。然而記者欲有一言為該兩代表告者。夫今日之事。萬非可以言論爭持。亦非可令全情感動。固不獨電車路一案為然。而電車路案。尤昭然若揭矣。該兩代表雖遠隔重洋。無所聞見。然苟入境而問禁。當能恍然於其故。而或者深悔此行之多事乎。

中外新聞

德皇引渡問題之近訊

十五日巴黎電。三人於今日午後開秘密會議。討論引渡前凱撤問題。彼等並將向荷蘭要求引渡之原文。研究一番。協約國以德國因暴動罷工風潮而釀成之紛擾局勢。故對於停止提出德皇引渡人名單問題。頗費重大考慮。此等罪人。乃協約國立刻要求交出審訊者也。茲聞若現政府在要求德皇引渡罪人。則必將有亂事發生。而增加德國現政府之危險。協約國深望現政府仍維持其現狀。操縱大局。首相喬治及克里曼梭二氏。聞已不堅執其主張履行和約中之引渡罪人條項。以待德國內部較為平靜。然後作最後引渡之要求。

德國最近形勢

十五日倫敦電。據最近電訊。柏林昨日復有暴動發生。軍事當局下令增派軍隊。保護京師秩序。星期二日國會前之衝突。就以半官報告而觀。死者四十二人。傷者百零五人。但據目擊者言。死傷之數。尤不止此。又倫敦政界接到電報。謂星期二日之亂事。非屬革命性質。然而革命風潮。恐有爆發之虞。柏林政府當要慎重對付時局。蓋勞動界對於政府之行動。惡感日甚。一日鐵道罷工風潮。即其明證也。國防部長那基已禁止激烈分子機關紅旗報等發售。于宣布戒嚴地方。又聞翌日為激烈派社會黨首領李伯尼特博士及羅森堡女史被害之週年紀念日。獨立社黨將乘機起事。政局必有重大變遷。

關於阜姆問題之所聞

十五日法京電。關於阜姆問題。已有解決辦法。意國方面亦經承認。現將其條件之內容。電達意國政府請求容納。並限四十八小時內答覆。首相克理曼梭及喬治尼帶二氏所達之辦法。即將阜姆分爲意國與南斯拉夫間之區域。完全承認意國在阜姆城之地位。并將該城歸屬意國主權之下。及意國取得與本國接壤之疆道。阜姆港中南斯拉夫及匈牙利之商務利益。均由國際同盟管理。由阜姆至拉比治之鐵道路線。則歸南斯拉夫管轄。團住阜姆之意國疆界。將延至伊斯特里亞。故意國得以據阜姆。威羅斯加。阿相西亞。及東部伊斯特里亞完全之海岸。又時報載稱。最高會議最近決定承認亞美尼亞。喬治亞。及亞薩比丹之完全獨立。

日使無理抗議

北京函云。駐京日本小幡公使。該國政府訓電。對於各處排貨風潮。特向我提出抗議。此項抗議。業於十七日由小幡公使親携往外務部。而交陳次長。內容以排貨舉動。中國應負兩種之責任。一違反通商條約。二蔑視國際禮義。請對於學商各界嚴重取締。勿任中日國交因此失和等語。詞旨極爲強硬。政府方面迄今尚未答覆。據聞關於取締排貨風潮。院部屢發嚴電。不啻二令五申。各省區亦多覆電遵辦。今該國政府仍以放任爲言。惟有將中央地方辦理此案詳情。據來往文電。函復日使查照。一面並聲明各處商學界之一舉一動。並無違出軌道以外。所有原抗議書聲明各節。絕對不能負責云。

俄國過激派之聲勢

十五日倫敦電。據半官報告。敘述近東國運頗爲詳盡。謂就各處戰場消息而觀。下三個月之間。英法將在近東遭遇激烈派重大之對抗。而惹起一場大戰。目前激烈派完全佔領特倫斯加比亞。致令高加索之地位。從反激烈派方面觀之。益益危險。勢難防杜其蹂躪高加索。苟彼等成功。則將來必與土國黨領袖基母吧沙等提議。長驅直搗美斯波泰米亞。波斯。印度。亦被波及。現在形勢異常吃緊。又據莫斯科電訊。激烈派擁護亞伯利亞全俄政府首領阿爾霍克之消息。經已證實。又一消息。駐伊爾庫斯克英代表因激烈派軍隊逼近此處。已奉命離去。作戰區。開赴哈爾濱云。

本埠新聞

俄國皇后輪抵埠及舟中消息。詩不亞公司輪船俄國皇后號。由遠東開來本埠。於昨日下午抵埠。該輪在安松遇颶風。是以延滯行程。此次載來頭等位客二百五十名。頭等客中有西人地廉毛氏夫婦二人染肺炎症。由橫濱開行後數人。在船上抱病逝世。聞該夫婦向居巴拿馬。今由遠東歸國。此兩人之遺骸。則施以藥料保存。運回本處。據帶來消息。謂日本刻下時疫流行。染疫身亡者極衆。以神戶一埠而論。三日間染症殞命者一百七十五名云。

西氏專醫內外科 應驗丸散佈告

西氏治內外各症良醫

良醫與良相 壽民如壽國